

## پارت (سرائیکی نظم)

تو ڈکھاں دے سارے سفر یاد رکھیں      کیوں تھی اے تیڈی بسر یاد رکھیں  
جیہڑے ساڈیاں نسلاں داساہ پیندے رہ گن      انہاں کالے نانگیں دے گھر یاد رکھیں  
جڈاں خواہشیں دا کریں پار جنگل      غریبی دا چڑھا پدھر یاد رکھیں  
جڈاں ٹھڈے ملکاں دی سیراں تے ونجیں      میڈی تسی روہی تے تھر یاد رکھیں  
جڈاں مل مہانگیاں قلیناں تے ٹریں      توں پڑچھے تے تڈیاں دے بر یاد رکھیں  
لغاری ، مزاری ، گیلانی ، عباسی      تیڈی راہ تے ہن اے پتھر یاد رکھیں  
اے گردیزی ، مخدوم ، کھچی ، قریشی      انہاں وی نی چھوڑی کسر یاد رکھیں  
جیہڑے تیڈی دھرتی دے بن رگن وپاری      او کھوسے ، دریشک تے کھر یاد رکھیں  
جے بھیداں دے وانگوں تو دھرتی تے جیسیں      تے بھیداں کو پوندن نہر یاد رکھیں

جڈاں فاتحہ ونج مزاراں تے آکھیں  
مظفر دی مخلص قبر یاد رکھیں

